

tametsi aliunde Authoritate etiam Regia introduci et stabiliri possent; ad demissam nihilominus Statuum Recommendationem, benigno Suae Majestatis Consensu accedente, determinatum est;

§. 1. Ut Religiosi Ordines, Fratrum Camaldulensium; et Sanctissimæ Trinitatis de Redemptione Captivorum; nec non Clericorum Regularium Pauperum Matris DEI de Scholis piis; in Regnum istud Ungariæ et Partes Eidem annexas, Voto tamen et Sessione absque omni; pro receptis ac stabilitis habeantur;

§. 2. Bonaque Fundationalia, pure Secularia et liberæ Fundatorum dispositioni subjecta, Jure et Titulo duntaxat Pignoris possidere valeant.

§. 3. Amodo autem imposterum; Collegia et Claustra quorumvis Religiosorum, sine necessitate Reipublicæ et benigno Regiæ Majestatis assensu, non augebuntur.

*Terrena, per Generalatum Varasdiensem possessa, restituentur; et plures aliae Controversiæ, medio Commissionis instituendæ; accommodabuntur.*

#### Articulus 113.

Et propria Authoritate et unanimi Statuum atque Ordinum Consensu, Sacra Majestas Caesarea et Regia, mota; et Divi olim Genitoris Sui Augustæ remiscentiæ LEOPOLDI PRIMI Resolutione, in primordio Diætæ præsentis Originaliter producta et perfecta; plurium quoque Annorum et Diætarum Articulis; utpote Anni 1604. Art. 14. An. 1608., Art. 9. An. 1613., Art. 39. An. 1618., Art. 32. An. 1622. Conditione Diplomatis septima: Anni 1635. Articulis 33. et 40., Anni 1638. Art. 51., Anni 1659. Art. 89. et 90., nec non Anni 1681. Art. 64. et ejusdem Anni Diplomatica Conditione septima; Accedente etiam Octavalium Judiciorum Sententiâ, atque ex Mandato Regio instituta Revisione; in benignam sumptis considerationem; statuit et resolvit;

§. 1. Ut proxime instituenda Commissio (cum interventu etiam Comitum Bani, si adesse poterit; et Episcopi Zagrabiensis, aliorumque tam de Magnatum, quam Nobilium, eorundem Croatiae et Sclavoniae Regnorum Statibus, quos ad Functionem hanc denominaverint) in facie Loci, processura, modum et occasionem transferendi Generalatus Varasdiensis exquirat; ac Suae Majestati, pro benigna Determinatione, referat;

§. 2. Eodemque contextu, de Restitutione et Reincorporatione Terræ eorum (inclusis et intellectis, iis etiam Montis Claudii Pertinentiis, quas etiam num mentionatus Generalatus Varasdiensis, ac alter Eszekiensis et Excelsa Camera Aulica usuat; sic et Capituli Chasmensis, ac aliis etiam tam Ecclesiasticorum, quam Secularium Bonis per eundem Generalatum Varasdiensem possessis) ac educatione etiam Militis, ex Arce Varasdiensi; agat et concludat. \*)

§. 3. Quæ Commissio, Liberarum quoque et Regiarum Varasdiensis, Crisiensis et Capronczensis Civitatum, querulose exposita Gravamina; multifa-

\*) Renovatur et urgetur; An. 1723. a. 88. et An. 1741. a. 49. Et quoad appertinentias Montis Claudii; specialiter An. 1741. a. 51.